



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita S. Liborii Episcopi, Calcvo Laborantivm Patroni

Bolland, Johannes

Antverpiae, 1648

Acta Ecclesiae Paderborn.

urn:nbn:de:hbz:466:1-9573

XVII VITA S. LIBORII PATRONI

A C T A

ECCLESIAE PADERBORN.

De Reliquijs S. LIBORII Episc. Peregrino Carleno Abbatii, pro Ecclesiâ Amerinâ, donatis.

1.  N nomine Domini, Amen.
Tenore præsentis publici
instrumenti, cunctis pateat
evidenter & sit notum,
quod anno post Christum
natum millesimo sexcentesimo quadra-
gesimo sexto, indictione decimâ quar-
tâ, Pontificatus sanctissimi in Christo Pa-
tris & Domini D. Innocentij, eius nominis
decimi Papæ, anno secundo, sabbathi nonâ
mensis Iunij, inter septimam & octauam ante
meridiem, coram me Notario Apostolico, in
infra nominatorum testium præsentia, per-
sonaliter constituti fuerint, Illustrissimi &
Reuerendissimi Domini, Theodorus Adol-
phus à Recke Præpositus, Casparus Philip-
pus à Ketteler Decanus, Ioannes Gulielmus
Baro de Syntzigh Cantor, & Cellerarius, A-
dolphus Henricus Droste Præpositus Cathe-
dralis Monasteriensis, Arnoldus de Vitinghoff
codicetus Schelle, Præpositus ad S. Mauritium
Monasterij, Adolphus Henricus Droste Ju-
nior

*Acta notaria
rialia Mo-
nasterij con-
fecta 9 Iu-
niij 1646.*

nior, omnes Ecclesiæ Cathedralis Paderbor-
nensis Canonici; prout & Illustriss. & Reue-
rendiss. Dominus Peregrinus Carlenus Ab-
bas S. Mariæ, Plenipotentiarius Ducis Gel-
driæ & Iuliæ, Comitis Egmundæ & Zutpha-
niæ ad tractatus pacis yniuersalis; me Nota-
rium & testes adhibitos requirentes, ut vnâ
cum ijsdem Dominationibus, vigore eum in
finem porrectæ singularis requisitionis sche-
dulæ, certo cuidam ab ijs celebrando & di-
ctæ schedulæ inserto actui interesse, eum-
demque sic peractum ad protocollum meum
redigere, necnon desuper, erga condignum
meum salaryum, vnum vel plura confidere
vellem, instrumentum & instrumēta. Actum
Monasterij Westphaliae in aulâ habitationis
Reuerendiss. & Illustriss. Domini Bernardi à
Westerholt Cathedralis Ecclesiæ ibidem Ca-
nonici, anno, indicione, papatu, mense, die,
& horis, quibus suprà; præsentibus circum-
spectis Dominis Michaële Sitthoff Notario
& Registratore Cancellariæ Paderbornen-
sis, & Ioanne à Versen Secretario antè memo-
rati Illustriss. & Reuerendiss. Domini Abbatis
Carleni, vti fide dignis, ad id specialiter re-
quisitis & adhibitis testibus.

Tenor præfatæ singularis requisitionis
schedulæ erat subsequentis tenoris:

2. Ad maiorem Omnipotentis Dei glo-
riam. Nos Theodorus Adolphus à Recke,
Præpositus, Casparus Philippus à Ketteler

Decanus, ceterique seniores & Capitulares
Cathedralis Ecclesiae Paderbornensis, vobis
Domino Notario & testibus ad hoc speciali-
ter requisitis, pro rei dignitate, & meritis
S. Liborij Patroni nostri, exponendum duxi-
mus; Quandoquidem magnus Dominus &
laudabilis nimis, etiam laudandus in Sanctis
suis, propter quorum merita & preces, multa
nobis, eaque non leuia, subinde largitur be-
neficia, etiam illis ad feliciorem vitam subla-
tis, ut existentes in caelis, etiam nunc honori-
ficientur in terris, ubi fideliter Domino suo
ministrauerunt; hic inquam, miserator & mi-
sericors Deus, ut annuntietur inter gentes
gloria eius, in omnibus populismirabilia eius,
sicuti honorem sancti Prophetae Elisei iam
vitâ functi, per suscitationem mortui ad con-
tractum reliquiarum eius, toti mundo voluit
esse contestatum, sic etiam servi tui, Liborij, Pa-
tronii nostri, nomine non modo apud Cenoma-
nos in Gallia (vnde Dominicæ Incarnationis
an. 836. quintâ Calend. Iunij, sanctæ eius reli-
S. Liborij
efficaci contra calculi dolores pa-
trocinio
quiæ, Paderbornam delatae, multis in viâ mi-
raculis honoratæ claruerunt) & Paderbornæ
in Westphaliâ; sed & in alijs diuersis ac dissitis
locis, regnis & provincijs, diuersorum mor-
borum, ac præcipue calculi, curatione voluit
esse celebre & honoratum.

3. Quâ quidem miraculorum experientiâ
permotus, Illustriſ. & Reuerend. Peregrinus
Carlenus, patriâ Amerinus, dignitate Abbas
beatæ

Beatæ Mariæ, functione Comitis Egmundæ
 Ducis Geldriæ ad tractatus pacis vniuersalis
 Monasterij Westphaliæ Plenipotentiarius,
 scriptis ad nos litteris, non modo Diuinæ bo-
 nitati quas potuit gratias egit, sed & reliquias
 nostri Sancti Liborij miris encomijs, magno
 affectu & singulari deuotione commendá-
 uit: Quòd ipse in primis Monasterij magnis *intellecto,*
 & insolitis calculi doloribus fatigatus, & tan-
 tūm non exhaustus ac oppressus, intellectā à
 Venerando admodūm Patre F. Bonauenturā
 de Ruthæno Prædicatore Capucino, tunc
 suo Confessario, mirâ S. Liborij deuotione,
 eiusdemque ad calculi malum curandum
 singulari virtute; pro suâ à calculo liberatio-
 ne, aut saltem dolorum ipsius mitigatione, *& p. i. nua-*
 oblatam sibi à dicto Patre antiphonam & *cato,*
 orationem de S. Liborio, ad ipsum Sanctum,
 sèpius magnâ fide, multisque cum gemiti-
 bus, ac tandem de ipso Sancto sacrum à dicto
 suo Confessario celebrari curans, celerem
 sub eodem sacro expertus Diuinæ bonitatis *ijs doloribus*
 gratiam, ab acerbissimi calculi puncturis, & *liberatus*
 ab ipso (ut speraret) calculo miraculosè fue- *Peregrinus,*
 rit sanatus: Deinde quòd frater eius Augu-
 stinus Carlenus, Ameriæ Cathedralis Ecclæ-
 siæ Canonicus, de hoc ab eo certior factus,
 cùm dudum vrinandi difficultate, & conse- *(v:i & fra-*
 quenter calculo, laborasset, per eamdem *ter eius dys-*
 transmissam sibi antiphonam & orationem,
 memorati Sancti intercessionem pro recu-

K 5 peran-

154 VITA S. LIBORII PATRONI

& alij in
Umbriâ)

partem reli-
quiarum
eius petiit,
ut Ameri-
riam mit-
tat:

perandâ sanitate efflagitans, illicò ab isto ma-
lo liberatus sit: Demùm quod plures in Um-
briæ partibus per eisdem antiphonæ &
orationis deuotam recitationem magna à Divi-
nâ misericordiâ beneficia obtinuerint. Id
quod intercessioni huius sancti Patroni no-
stri tribuens, pro patriâ suâ, Ameriâ in Um-
briâ, tam euidenti miraculo in deuotionem
erga hunc Sanctum & reliquias eius raptâ,
earumdem sanctorum reliquiarum, apud nos
existentium, particulam, tam per litteras
quam per suum Confessarium, magno affe-
ctu à nobis petiit ac postulauit. Non potui-
mus quidem non commendare pium hoc de-
siderium tum Illustriss. & Reuerendiss. Do-
mini Abbatis, tum Capituli & populi Ameri-
ni: verum quia in potestate nostrâ non erat,
sine consensu & expressâ concessione Seren-
issimi Principis nostri Ferdinandi, Electoris
Coloniensis, & Episcopi Paderbornensis,
utriusque Bauariæ Ducis, thesaurum hunc
vel aperire, vel minuere; ideo re & postula-
tione tam piâ ad ipsius Serenitatem humi-
liter delatâ, quandoquidem gratiam & man-
datum aliquam sanctorum reliquiarum par-
tem communicandi Clero & populo tam
deuotè expetenti, statim obtinuimus, prout
suæ Serenitatis litteræ hisce insertæ fusiūs
declarant.

Copia litterarum Serenissimi Electoris
Coloniensis, Episcopi Paderbornensis, ad
Capi-

Capitulum Cathedralis Ecclesiæ Paderbor-
nensis ; quibus conceditur , vt dentur Reli-
quiæ S. Liborij Cenomanensis Episcopi , Pa-
derbornensium Patroni , Illustriss. & Reue-
rendiss. Abbatii Carleno pro Ameriâ.

4. Ferdinandus Dei gratiâ Archiepisco-
pus Coloniensis , Princeps Elector , Episcopus
Paderbornensis , Monasteriensis & Leodien-
sis , Administrator Hildesimensis , Berchtes-
gadensis & Stabulensis , Comes Palatinus
Rheni , utriusque Bauariæ , Westphaliæ , An-
gariæ & Bullionis Dux , Marchio Franchi-
montanus .

*assentiente
Electore Co-
lonien. 2. I A-
nuar. 1645.*

Venerabiles & honesti , dilecti deuoti , ex
vestris ad nos XII. Decembris , huius iam ad
finem currentis anni , datis litteris , earumque
adiunctis , didicimus quo pio ferore S. Li-
borij , diœcesis nostræ Paderbornensis Patro-
ni , nomen in peregrinis ac dissitis prouincijs
veneretur : & qualiter particula sacrarum
eiusdem reliquiarum , ad maiorem deuotio-
nem excitandam , & ad Dei honorem augen-
dum , expetatur : quodque vos ad elargien-
dum illam , gratiolissimum nostrum consen-
sum submissè exquiratis . Quemadmodum
igitur nobis pergratum fuit intelligere , quod
dicti sancti Episcopi veneratio , & ad illam
subsecuta intercessio , tam mirabiles effectus
ad exteras nationes produxerit ; & minimè
dubitandum sit , quin elargitio Reliquiarum
eiusdem maiorem in plebe deuotionem ex-
cita-

156 VITA S. LIBORII PATRONI

citabit; ita libenter concedimus, ut expetenti ac postulanti Abbati Carleno (quamuis ipsæ Reliquiæ, cùm ab hostibus circumueherentur, multum comminutæ fuerint) aliqua eorum particula, sine notabili tamen remanentium diminutione, donetur & tradatur. De hoc vicissim monere vos voluimus, quibus benevolentibus, gratiam nostram offerimus. Datum Bonnæ in ciuitate nostrâ secundo Ianuarij anno 1645.

FERDINANDVS

Ioan. Stam Secr.

5. Idcircò nos Theodorus Adolphus à Recke, Præpositus, Serenissimi Electoris Coloniensis, Episcopi Paderbornensis & Monasteriensis, Consiliarius intimus, & ad tractatus pacis vniuersalis Legatus, & Ioannes Guilielmus Baro de Syntzigh, Cantor & Cellerarius, à Reuerendissimo Capitulo Paderbornensi ad hoc negotium specialiter deputati, eam illi do anno MDCLV. die nonâ Iunij, manè internant Cano-septimam & octauam, in Cathedrali Ecclesiâ nici Paderbornen. 9. Monasteriensi, sacrarum reliquiarum, pro temporum tunc statu, asylo, ad tumbam sanctorum reliquiarum conseruaticem deuotè accedentes, duas particulas, unam cranij, alteram tibiæ, ex eadem sublatas, hac intentione, ut Ameriam in Umbriâ, ad augendam populi illius deuotionem, & maiorem Diuinæ bonitatis gratiam ipsi conciliandam, in quali & varijs coloris capsulâ reposuimus: eamque præsen-

Iunij 1645.

præsentibus tunc & astantibus, admodum
Venerando Patre F. Bonaventurâ de Ruthæ-
no, Prædicatore Capucino cum suo socio,
Cathedralis Ecclesiæ Monasteriensis The-
saurario, Petro Buschman Iurium Doctore,
Electoris Coloniensis, Episcopi Paderbor-
nensis, intimo Consiliario, Cancellario, & ad
tractatus pacis vniuersalis Monasterij West-
phaliæ Legato, alijsque ex Clero & populo
eiusdè ciuitatis, publicè tradidimus Illustriſ.
& Reuerend. Abbatì Carleno, transferendas
ad desiderantem Clerum populumque A-
merinum.

6. Cùm verò fataliter acciderit, quòd ob
varia bellorum pericula & impedimenta
Monasterij denuò conuenire non potueri-
mus, ad consignandum debitè ipsas reliquias,
& conficiendum in formâ attestationis in-
strumentum; atque inde ipsæ Reliquiæ ad *sed demum*
destinatum locum translatæ non fuerint; tan- *an. 1646.*
dem tamen anno elapsø integro, Deo sic *9. Jun.*
disponente, eodem die nono Iunij, eademque
horâ inter septimam & octauam, Monasterij
Westphaliæ, in aulâ habitationis Reueren-
dissimi & Illustris Domini Bernardi à We-
sterholt, Cathedralis Ecclesiæ ibidem Can-
nici, præter opinionem conuenerimus, Theo-
dorus Adolphus à Recke Præpositus, Caspa-
rus Philippus à Ketteler Decanus, Ioannes
Gulielmus Baro de Syntzigh Cantor & Cel-
lerarius, Adolphus Henricus Drostè Præ-
posi-

positus Monasteriensis Cathedralis Ecclesiae, Arnoldus de Vittinghoff condictus Schelle, Præpositus ad S. Mauritium Monasterij, Adolphus Henricus Droste Iunior, omnes Paderbornensis Cathedralis Ecclesiae Canonic; deinde Illustriss. & Reuerendiss. Dominus Peregrinus Carlenus, Abbas B. Mariæ, & P. Bonaventura Capucinus Prædicator cum socio, atque sæpè dictas sacras Reliquias ex prædictâ ouali capsulâ extractas, commodiori rotundæ, argenteo, aureo, viridi ac rubro colore variegatæ, & vittâ subrubicundâ quater ita circumligatæ, ut octo in locis continetur, reuerenter inclusim, eamque consignatam Illustriss. & Reuerend. Abbatii Carleno retradicimus, securè transmittendam Ameriam: expressâ tamen hac lege, ut non solùm eâ quâ decet, solenni deuotione deferratur, verùm etiam ut à Capitulo & Clero, à Magistratu populoque Amerino in habitu decenti, secundum status differentiam professionaliter obuiante, & deuotè solemniter que acceptante, cum hymnis & canticis ad Cathedralem Ecclesiam, quæ est Ameriæ, honorificè deducatur: ibidemque, & non antè, ab Illustriss. & Reuerendiss. loci Episcopo, præsente Capitulo & Magistratu Amerino, tandem hæc capsula aperiatur, & productus inde sanctorum Reliquiarum thesaurus palam exhibeat, dignisque encomijs Clero populoque commendatus, loco celebri & hono-

*in aliâ ca-
psulâ pos-
tam, legiti-
mè signa-
tam, ei tra-
dunt.*

*ea lege, ve
bonificè
Ameria
recipiatur,*

honorato in eadem Cathedrali Ecclesiâ reponatur; imò & S.Liborij huius Patroni nostri, officium de Confessore Pontifice, quotannis dicatur; eiusque festus dies vigesimaterciâ mensis Iulij, conuocato ad hoc populo, & *& annuer-*
sanc̄tis Reliquijs solenniter expositis, more sario sacro
nostro Paderbornensi, in organis celebretur; *celebretur;*
& sic hic sanctorum Reliquiarum thesaurus,
veluti vinculum & tessera fraternitatis mutui
amoris, & symbolum piæ confœderationis
inter Amerinum & Paderbornense Capitu-
lum.

7. In cuius rei fidem, hunc Reliquiarum
S.Liborij Confessoris Pontificis, Patroni no-
stri, thesaurum inestimabilem, sigillo Serenissi-
mi Ferdinandi Electoris Coloniensis, Epi-
scopi Paderbornensis, in rubrâ cerâ superius;
Paderbornensis Capituli maiori, in viridi ce-
râ inferius; minori verò S. Liborij, in rubrâ
cerâ Hispânicâ ad latus; præsentium autem
Reuerendissimorum ac Illustrium Domino-
rum, ne non Illustriss. & Reuerendiss. Abbatis
Carleni, annulis signatorijs, circumcircâ in
rubrâ cerâ Hispânicâ super vittam subrubi-
cundam consignari curauimus & commu-
nici; atque sic consignatum Illustriss. & Re-
uerendiss. Domino Abbatи Carleno eudem
tradidimus, & hoc ipso retradidimus, fideliter
transferendum: vos Notarium requirentes, ut
super hac Serenissimi Electoris Episcopi no-
stri Paderbornensis gratiosâ concessione, su-

*Actis de hac
donatione
confectis,*

Sere-

160 VITA S. LIBORII PATRONI

Serenitatis litteris contestatâ, nostroque consensu & insuper secutâ consignatione & traditione, instrumentum & instrumenta in meliori formâ nobis confidere, & pro debito salario communicare dignetur. Actum Monasterij Westphaliæ, ubi hæ sanctissimæ Reliquiæ, ob saevientis belli pericula, nunc astringuntur, nono die mensis Iunij, anno millesimo sexcentesimo quadragesimo sexto.

per publicum Notarium,

8. Et quia ego Henr. Vphaus ciuis Monasteriensis Westphalus, sacrâ Apostolicâ auctoritate publicus & approbatus Notarius, præ-
inserto celebrato, inclusionis sacrarum Reliquarum, consignationis & retraditionis
actui, vñâ cum antè memoratis Dominis Re-
quientibus & testibus, interfui, omniaque
alia & singula sic fieri vidi, audiui, & in no-
tam sumpsi; idcicò præsens publicum desu-
per confeci instrumentum, manuque propriâ
illud ipsum conscripsi, nec non nomine &
cognomine, signoque Notariatus mei solito
subappositis communiui, ad hoc specialiter
requisitus. Henr. Vphaus, qui suprà, Notarius
Apostolicus m.p.

Nos Consules, Proconsules, ac Sena-
tus ciuitatis & Reipublicæ Monasteriensis
partium Westphaliæ, notum facimus &
attestamur, quod suprà nominatus Henri-
cus Vphaus concius noster, qui præsens in-
senatus Mo- strumentum expedivit, illudque manu suâ
nasteriensi. propriâ nobis abundè cognitâ subscripsit, &
signo

Signo suo notariatus muniuit, sit publicus & legalis Notarius, cuitis documentis, & instrumentis in & extta iudicium publica vbiq[ue] fides adhibetur. In cuius rei testimonium sigillum ciuitatis nostrae secretum hisce appendi, & Secretarij nostri iurati subscriptione laborari iussimus. Actum anno salutis millesimo sexcentesimo quadragesimo sexto, die 17. mensis Iulij. Loco signi: Henricus Holland, ciuitatis ac Reipublicæ Monasteriensis, partium Westphaliæ, Secretarius iuratus, iudicij Imperialis Cameræ Notarius immatriculatus, in fidem matru propriâ subscripsi.

A C T A

ECCLESIAE AMERINÆ;

De Reliquiarum S. LIBORII receptione.

i.



N nomine Domini, Amen.
Præsenti publico instrumento cunctis vbiq[ue] pateat euidenter, & notum sit; quod anno à Nativitate Domini nostri Iesu Christi millesimo sexcentesimo quadragesimo septimo, Indictione xv. die ventero xv. mensis Martij, Pontificatus autem Sanctiss. in Christo Patris & Domini nostri D. Innocentij Diuinâ prouidentiâ Papæ decimi, 15. Martij anno eius tertio, coram Illustriss. & Reuerendiss.

Coram Episcopo & Canonico Amerinie

L disl.